



COMUNU DE QUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

## EVENTUS CULTURALIS, CURSUS DE LÌNGUA SARDA E MAKE UP ARTIST IN LÌNGUA: CASTIAI CUMENTI PIGAI PARTI

Imparai a ligi, scriri e chistionai fintzas in ambienti de traballu o de spàssiu imperendi sa lèngua sarda. Custa est sa punna de is cursus de formatzioni ca ant a incarrerai in citadi a s'acabu de custu mesi e ant a essi apariciaus sa s'Assòtziu culturali sa bèrtula antiga, po contu de su comunu. Impari a sa didàtica in classi, est prevèdiu fintzas unu bellu cursu de Nail Art e Make Up Artist in lèngua sarda. Podint pigai parti totus is citadinus, chentza de làcanas de edadi. Is fainas, postas aintru de su progetu "Su Sardu in Quartu", prevedint fintzas atòbius culturalis de importu aintru de su programa de sa Rassinnia Literària in sardu: si parti su 23 de martzu anca est s'ex Cunventu de is Paras de Santu Frantziscu cun sa presentada de "Riu Mannu".

Su sardu cumentu una lèngua normali, fàcili e bia, de imperai dònna dii in logus diferentis: da is ufitzius a is logus de s'istitutzioni, in logu culturali cumentu in is momentus de spàssiu. Apustis de su Cumbènniu de importu chi at atobiau in citadi is spertus prus mannus de lènguas de minorias in Europa, innoi unu step nou de su progetu "**Su sardu in Quartu**", filera de fainas finantziadas da sa Regioni e sa Presidèntzia de su Consillu de is Ministrus, a cunforma de sa lei 482/99, po torrai a ponni in pei is lènguas de su logu. In programa ddoi funt cursus basis e avantzaus in lèngua sarda, ma fintzas atòbius literàrius, cun sa presentada de liberus diversus in lèngua, intre is diferentis bariedadis alloglolas de s'isula nostra. Funt prevèdias fintzas fainas sperimentalis chi faint po fintzas agatai traballu, cumentu su Cursu de Make up artist, amostau po intreu in lèngua sarda. Totus is fainas s'ant a fai anca est s'ex Cunventu de si Paras de Santu Frantziscu in bia Brigata Sassari.

### IS CURSUS DE LÌNGUA

S'ant a fai anca est sa Biblioteca de is Minorias Linguìsticas, (ex Cunventu) a partiri da su 04 de Abrili. Duus cursus funt prevèdius: uno basi e s'àteru avantzau po chini connosci unu pagheddu in prus sa lèngua.

Si podint assentai scarrighendi su mollu da su giassu de su comunu, ponendi is datus e intreghendiddu a is indiritzius mail [cursusardu@tiscali.it](mailto:cursusardu@tiscali.it) e [ufitziulinguasarda2@gmail.com](mailto:ufitziulinguasarda2@gmail.com).

Po su primu cursu, cuddu de BASI, non est pedia cumpetèntzia peruna ni ativa ni passiva. Sa manera at a essi cudda CLIL, est a nai sceti sardu. Sa durada: 30 oras, 12 letzionis de 2,5 oras dònna borta, una borta a sa cida ( su lunis da oras de is 17.00 a oras de is 19.30 in presèntzia, anca est sa biblioteca de is lènguas de minorias, Ex Cunventu de is Paras de Santu Frantziscu, Bia Brigata Sassari n. 6 – Quartu S. Aleni)

Su programa de is letzionis at a essi su chi sighit:

- Legislazioni in matèria de lènguas de minorias: amparu e aparèciu
- Lèngua sarda intre oralidad e scrittura: stòria de sa lèngua sarda e geografia linguística, litura de is primus documentus, da is lènguas de sustratu a su sardu de oi
- Fonètica e ortografia: normas de referimentu po s'ortografia de su sardu, alfabetizazioni, litura e chistionadas
- Cumprendòniu sotziolinguìsticu de su sardu: registrus linguìsticus, linguàgiu giurìdicu-aministrativu
- Gramàtica- fueddus de pragmàtica e linguística testuali, furriadura
- Lèngua sarda e amministrazzioni pùblica
- Laboratòriu de scrittura

Maistru: Dot. Biolla Alessandro

Po su segundu cursu, cuddu AVANTZAU, is cumpetèntzias pedias funt imperuativu e comprendòniu passivu de sa lèngua. Sa manera at a essi sa matessi de sa lèngua veicolari. Uguali durada de 30 oras po n.12 letzionis de 2,5 oras donniuna, una borta a sa cida (su martis da oras de is 17.00 a oras de is 19.30 in presèntzia anca est sa Biblioteca de is lènguas de minorias, Ex Cunventu de is Paras de Santu Frantziscu, Bia Brigata Sassari n. 6 – Quartu S. Aleni).

Is argomentu de su cursu avantzau funt:

- Ortografia, gramàtica e sintassi
- Sardu e amministrazzioni pùblica: notzioni de lèssicu amministrativu
- Tipologia testuali: produzioni de testus regulativus, amostadoris e chistionadoris
- Registrus linguìsticus
- Manera de fai didàtica: bilinguismu a scola – Lèngua sarda e animatzioni culturali
- Lèngua sarda e tecnologies noas
- Furriaduras: spertai, litura e chistionis.

Sa didàtica at a essi sa manera de su cursu basi. A s'acabu de sa formatzioni nci at a essi un'esàmini finali. Nci ant a essi po fintzas atividades de traballu cun sa scola e is assòtzius citadinus.

## **CURSU DE LINGUA IN NAIL ART E MAKE UP ARTIST**

In programa da su 31 de martzu a su 16 de làmpadas in sa Biblioteca de si Lìnguas de Minorias a s'Ex Cunventu, nci ant a essi is fainas sperimentalis de imperu de sa lingua sarda aintru de matèria non tìpicas e in is fainas de promotzioni de sa lingua sarda po siendas de su logu.

Su cursu non pedit cumpetènzias pretzisas, s'at a fai in manera CLIL (lìngua sarda veicolari) e prevedit una durada de 30 oras, pratzias in 7 letzionis de 4 oras donniuna e una letzioni de duas oras, una borta a sa cida. Su cursu s'at a fai giòbia da oras de is 15,00 a oras de is 19,00.

Su programa de is letzionis prevedit: manicure, pedicure, costruzioni torra de is ùnghias, semipermanentis, nail art, teoria de is coloris, is ombretus, is matitas, meza luna e pabaristas prenas, pintura contra sa becesa.

Maistra: Sara Loddo

Manera de si assentai: sa domanda de cumpri s'agatat alliongiada e at a essi intregada po mesu de sa mail a s'indiritzu chi sighit: [cursusardu@tiscali.it](mailto:cursusardu@tiscali.it), [ufitziulinguasarda2@gmail.com](mailto:ufitziulinguasarda2@gmail.com)

Atòbius culturalis: aintru de su progetu "Su Sardu in Quartu" c'est po fintzas sa **Rassinnia Literària in lingua de minoria e bariedadi alloglotos de Sardìnnia**: primu atòbiu cun sa presentada de su liburu RIU MANNU, de Micheli Ladu, mèrcuris 23 de martzu 2022 a oras de is 8,00 in sa Sala de is Affreschi anca est s'Ex Cunventu de is Paras de Santu Frantziscu in Bia Brigata Sassari. Presentat: Salvatore Sarigu.

Su Sportellu Linguìsticu est sèmpiri abertu anca funt is localis de s'Ex Cunventu. Is citadinus chi bolint, podint intrai e pediri consulèntzia, furriadura e chistionai in lingua sarda chi fait.

Alliongiadas is locandinas e totu sa modulistica che serbit po si iscriri.

**[Corso avanzato \(1\)](#)**

**[Corso avanzato \(1\)](#)**

**[Modulo di iscrizione Corso lingua sarda QUARTU 2022 LIVELLO AVANZATO \(2\)](#)**

[Modulo di iscrizione Corso lingua sarda QUARTU 2022 LIVELLO BASE \(1\)](#)

[Modulo di iscrizione Corso lingua sarda QUARTU 2022 NAIL ART](#)

[Sa Bertula Locandina Rassegna Letteraria \(1\)](#)

[Sa Bertula Locandina Corso Nail Art SCELTA](#)

[Corso base sardo](#)